

E Sessione nascinu d'un incontru inaspettatu, ma trà duie primure sumigliante chi tantu s'avianu da trovà. Un bisognu c'era, bellu chè palesu, d'imparera di a lingua, d'arrichiscimentu è di perfezionamentu, una brama di fà la in Corti, ind'i lucali belli di l'Università, trà ghjente primurose è cù maestri atti.

Ma nunda era previstu ; e strutture universitarie ùn eranu atte tandu, o pronte, à accoglie una dumanda simile.

A grazia fubbe chi quella riunione di a CALCC accappò, propriu à casu, ma per tempu, quelli chiavianu da mette in sesta u prugettù.

Per tempu, sì... chi cù a vuluntà è à pena di niscentra si ponu fà ancu maraviglie.

Ciò ch'elle fubbenu e Sessione di l'ottanta trè proveremu à di vi la in stu llbrucciu : i prugrammi, i cuntentuti pedagogichi, e conferenze, e serate, e pratiche culturale ; è dinù qualessi fecenu a rescita di issa furnazione, portendu ognunu a so tecnica, a so scenza, a so passione.

Ma pè u restu, inventate puru, cù assai maghjine diviziose, è siete sicuri chi a nostra fin di lugliu di l'ottanta trè fubbe al di là di ciò chi si chieria. Ma forse chi quella di l'ottanta quattru serà ancu più bella è più fattiva ? Più calorosa ùn si pò.

Sianu ringraziati qui tutti quelli chi trà maghju è lugliu sò stati i puntelli chi senza elli e Sessione ùn si pudianu fà :

U primu, u Presidente di l'Università, Ghjacumu Brighelli, chi subitu subitu, cù l'appoghju di u so accusenttu dede à e Sessione u locu più bellu pè spannassi, l'Università Pasquale Paoli, è chi ci fece l'onore è l'amicizia di a so prisenza da l'apertura à l'ultimu ghjornu ,

Tutti l'eletti di a Regione chi ci dedenu i mezi di a rializzazione : i consiglieri di a cummissione di a cultura è u so Presidente, tutti quelli di a cummissione di e finanze, è di sicuru u Presidente di l'Assemblea chi c'incuragi tempu chè infurmatu è chi fece, cù i servizii amministrativi u pussibile da chi a risposta di l'Assemblea ùn trighessi, nùn più chè i solli, ch'osinnò Sessione ùn ci ne era.

U sgiò merre di Corti è u so consigliu chi si sò primurati di issa azzione purtendu u so aiutu à a rializzazione.

U Direttore di l'Affari culturali, Natale Pinzuti, chi ci dede una bella partecipazione finanziaria ;

Tuttu u persunale di u CROUS, è in particulare P. A. Dominici, Direttore di e Città, chi truvò sempre manera di sudistà e nostre dumande ;

U Direttore di u Parcu Regiunale, Michel Leenhardt, chi misse à dispusizione, pè e Sessione sane, u tecnicu, D. Gambini chè no li chieriamu cù primura, è u materiale ; Tutti quelli chi, pocu o assai, anu datu tempu è fatica pè a nomina di e Sessione.

Ci dispiace d'ùn pudè ringrazià u Cunsigliu Generale di Corsica Suprana chi u so Presidente si scurdò di risponde à a nostra lettera.

Elena BONERANDI
Ghjacomu THIERS

